

2/K-23

特17
744



權大講義水谷仁海編輯

皇
教
汎
論

全

英文堂發兌

緒言

教へハ心傳口授ヲ要シテ敢テ文墨ノ器械ニ之ヲ
 傳フ可キニ非ズト雖モ頃日ノ如ク世ニ國教ノ論
 喋々起テ之レガ爲ニ國家大惑亂ヲ生セシト欲ス
 ルノ際豈ニ唯々之ヲ心傳口授ノ迂闊ニ屬ス可ク
 シヤ故ニ筆ヲ執テ書ニ著シ曾テ予ガ教ユル所ノ
 趣旨此ニ在ルヲ世ニ公ニシテ欲ス抑々我邦
 建國以來東洋ニ獨立スル一帝國ニシテ今日ニ至
 マテ國教ヲカシカシラズ上古ハ人智未開ニシテ
 唯々神託ヲ以テ教トス別ニ教憲ヲ立テザルナリ
 中古世ノ開明ナルニ隨テ神託以テ教トスルニ足
 ラズ故ニ先王神儒佛ノ三道ヲ以テ鼎足ノ教トス

新維已來天下大變革ノ時運ニ當リ三道ノ古言亦以テ教トスルニ足ラズ故ニ三條ノ教憲ヲ撰ヒ廣ク教職ヲ設ケテ之ヲ説カシメ其至善至美ニシテ能ク時ニ應シ世ニ益アルヲ以テ國教ト定メント欲スルヤ必セリ而ルニ其至善至美ナルノ説起ルヲ待ズシテ國教ヲ定ムルニ上古未開ノ神教ヲ以テセシメテ謀ル是レ愚ノ甚キニ非スヤ予其愚ヲ憐ミ其惑ヲ解キ以テ國家ニ裨益アラントテ欲シ今日此書ヲ出ス幸ニ教職諸君ノ説ク所ト相ヒ照シテ其至善至美ナル者ヲ取テ之ヲ國教ト定テ歐米各國ニ對シテ亦耻ナキヲ得シトテ希望シテ其意ヲ卷首ニ題ス

自序

古人曰飽食暖衣逸居而無教則近禽獸故爲人者必不可無教也凡天地之間邦域雖異何國無教法乎若夫無教法則人欲放肆而風俗敗頹教之所關其大矣哉故國有教者猶衣食住之一日不可欠焉然其爲教也各國各異而未聞有一定之教譬如各國之衣食住各別是由其土地人情之不同也抑如皇國在亞細亞東邊雖爲小國神器之所護焉神力之所加焉開闢以來神胤一系萬古不易以足誇海外蓋上古之民有天稟固有之良心而自順天神之則唯以三種神器而治國家不別立教憲及中古人智之狡猾也教之以神儒佛之三道而換三器之政所謂神之正直比之明鏡儒

之懲亂臣賊子、比之寶劍、佛之慈悲潤物、比之玉璽、嗚呼以三教換三器而治國亦尚矣、是則神聖隨其土地人情之宜、定鼎足之教、以為永世不朽之法、然則在其國而守其法者、不可謂固陋井蛙見也、抑若印度有佛而無儒、若支那有儒與佛而無神、獨如皇國、既兼有神儒佛之三教、而冠亞細亞洲中、可謂教法盛矣、然及後世、三道漸衰、互爭是非、反令衆人生惑、豈啻三道爭是非耳、分派異流、各相褒貶、遂至胡亂天下之大道矣、及是時也、賢聖之君不起、教法之弊不改、則外教浸入、國體將頹敗、恭惟今上皇帝、以聰明叡智之質、君臨文明之世、教道復古、制度維新、乃改先王之法、而撰三條教憲、將芟除其弊、書曰天佑下民、作之君、作之師者、即

是斯之謂也、然教職者、或徒墨守舊習、自墜固陋、或偏唱呼開化、遂遺國體、而失教憲之聖意者、間亦有之、豈可不嘆乎、仁海雖不肖、亦從教職之後、故亦取三教之意、以釋三條大旨、聊欲令衆人知叡慮之所在、庶幾讀者、無咎余之魯鈍不文、察一偏微衷矣、

大日本帝國教導職

于時明治十四年十一月權大講義水谷仁海撰

千... 大... 皇... 尊... 守... 事... 一... 敬... 神... 愛... 國... 之... 旨... ヲ... 體... ス... ベ... キ... 事... 一... 天... 理... 人... 道... ヲ... 明... ニ... ス... ベ... キ... 事... 一... 皇... 上... ヲ... 奉... 戴... シ... 朝... 旨... ヲ... 遵... 守... セ... シ... ム... 可... キ... 事...

御教憲

第一條

一 敬神愛國ノ旨ヲ體スベキ事

第二條

一 天理人道ヲ明ニスベキ事

第三條

一 皇上下奉戴シ朝旨ヲ遵守セシム可キ事

右三條明治五年壬申三月。日本皇帝廣設教職。所以教人之法也。蓋此法縮吾邦固有三道。略諸子百家之書。一教而具万理。故言簡易而意無所不盡。全地球上所未曾有明教也。雖然非明眼人。則亦不能知之。故仁海以名體宗用教五章。明說之。以示其意。第一釋名。夫敬神愛國天理人道。皇上朝旨之六句。成佛之道。修身之要。爲政之基也。蓋政者在使_下人各得其所而已。上自一人。下至万民。各得其所。僅學六句而無所不足。故曰此爲政之本。今釋其意。以通別二段。初別而言之。則天子可體敬神之旨也。百官可體愛國之旨也。華士族可明天理也。隱士逸民可明人道也。庶人可奉戴皇上也。教職可令遵守朝旨也。吾邦天子神胤而傳神器受

神敕以爲王，豈可不體敬神之旨乎？百官各有護民之職，而受其爵祿，豈可不體愛國之旨乎？華士族失其祿位，以至怨天尤人，遂亡其身者，間亦有之。是由晦其明也，故曰華士族可明天理也。隱士逸民欲獨善其身，不敢顧世，方今天下多事之際，不敢顧世者，豈不背人道乎？故曰隱士逸民可明人道也。庶人日夜勞身，自食食人，如敢無國家之責，然任王地爲王民，豈不奉戴皇上乎？但除有關係邊地僻境之民，或誤解朝旨，罹刑章，亦不爲鮮教之諭之，而令遵守朝旨者，豈不在教職之任乎？一應別釋如此，若通而言之，則各宜守六句，而有其分，若不簡之，則反爲之惑，故具釋之。

所謂崇天地山川祭四方五祀敬三器三寶以爲民祈

福蓋天子之敬神也、
天下之神社佛閣卽社稷宗廟而鬼神之所托人信之所依故不愛其財而愛其禮興廢盛衰施政上行禮蓋百官之敬神也、
能保其祖廟而守其祭祀慎終追遠使民歸德之厚蓋華士族之敬神也、
畏天敬神閑居而慎獨蓋隱士逸民之敬神也、
雖蔬食菜羹爪祭之而報其本者蓋庶人之敬神也、
祭如在齊明盛服以能事鬼神蓋教職之敬神也、
敬神之爲道天地之經也政教之本故自天子至於庶人略之者未之有也而又不知其分則反成不敬語曰非其鬼而祭之詔也故今依曲禮定其分蓋所以其不

全同者由彼此異地古今時不同也必勿以彼怪此
 次愛國者書曰天子民之父母故其愛民猶如安赤子
 問生吊死使民無憾焉蓋天子之愛國也
 宰官為民之長上治其下民如兄之愛弟見其饑寒則
 為之憂見其勞苦則為之悲賞罰如加之於身賦歛如
 取之於己竭力盡勞而務有益於國務有濟於民者蓋
 百官之愛國也
 居上不臨危富而不驕汎愛眾而親仁蓋華士族之愛
 國也
 若夫不遇而在山林則墾地藝樹補國之不足蓋隱士
 逸民之愛國也
 勵力脩職業有餘力則以學文脩身齊家能教子孫蓋

庶人之愛國也
 以教利國以道佐人主蓋教職之愛國也人皆
 若上而不愛國則失社稷而不愛國則失身孟子所
 謂天子不仁不保四海諸侯不仁不保社稷卿大夫不
 仁不保宗廟庶人不仁不保四體即是斯之謂也故自
 天子至於庶人不可不體愛國之旨也
 次明天理者傳曰人道悖於下効驗見於天雖有陰謀
 神照其情垂象見誠以告人君故審吉凶消長之理察
 治亂成敗之機而先物制物使天下無事蓋天子之明
 天理也
 書曰民之所欲天必從之民之所惡天必誅之故能通
 暢民情而傳偉業於後世蓋百官之明天理也

明知國之所以廢興存亡而進退得宜蓋華士族之明天理也、雖窮不處亡國之位、雖貧不受亂邦之祿、潛名抱道、時至而動、則極人臣之位、建絕世之功、蓋隱士逸民之明天理也、知善惡報應之理猶如影之隨形、能積陰德而傳陽報於子孫、蓋庶人之明天理也、監之上古驗之當世、示禍福之門、說休徵之道、使人入善道、蓋教職之明天理也、夫天理之幽、易說之、其理雖聖人之智、有所不盡、故孔子曰、加我數年、以學易、可以無太過矣、聖人尚爾、況於庸人、可無其過乎、故人欲免其過、宜明天理也、

次言人道、孝經曰、愛親者、不敢惡於人、敬親者、不敢慢於人、愛敬盡事於親、而德敬加於百姓、刑於四海、蓋天子之道也、敬天子之尊、愛匹夫之卑、竭敬愛之道、能治天下、蓋百官之道也、無事則耕、有事則戰、出則忠、入則孝、忠孝先於人而行之、蓋華士族之道也、雖渴不飲盜泉之水、雖飢不食賊國之粟、守死潔行、蓋隱士逸民之道也、父母惟孝、友乎兄弟、與朋友交言而有信、蓋庶人之道也、學而不厭、教而不倦、以利天下、蓋教職之道也、

人不明其道，則必迷其所蹈，故人當明人道也。
 次奉戴皇上者，孔子曰：雖天子必有尊也，所謂天子受
 天命而為人君，故其戴皇天，蓋天子之奉戴皇上也。
 內匡君之過，外揚君之美，握髮吐哺，以待天下之賢，為
 君得人，蓋百官之奉戴皇上也。故曰：立賢勿用，則
 不失大義，名分族擁皇統，傳無窮者，蓋華士族之奉戴
 皇上也。故曰：君子之於天下也，無所不為，而人
 尚論古今，是非天下，以勵忠臣，義士，竊為勤王，蓋隱士
 逸民之奉戴皇上也。故曰：君子之於天下也，無所不為，而
 租稅賦役，以供祭政之用，蓋庶人之奉戴皇上也。
 言行謹慎，而令人無僭上之行，蓋教職之奉戴皇上也。
 既奉戴皇上，亦宜遵守朝旨也。孫鞅曰：法之不行，自上

犯之，遂刑其傳，故知皇上亦不可不遵守朝旨也。不以
 邪損正，不以私害公，忠以尊君，仁以利民，蓋百官之遵
 守朝旨也。
 練武學文，而令國威振海外，蓋華士族之遵守朝旨也。
 不怨人，不愠世，反身脩德，蓋隱士逸民之遵守朝旨也。
 守儉勤行公正，得為良民，神國之美名，輝方國，蓋庶人
 之遵守朝旨也。
 布教補翼政理，蓋教職之遵守朝旨也。
 是則所以使人各得其所，而為政之本矣。又儒以仁義
 禮智信之五常，為脩身之要，故亦依五常釋之，敬神禮
 也，愛國仁也，明天理智也，人道信也，奉戴皇上遵守朝
 旨義也。

禮曰社稷山川之事鬼神之祭禮也故曰敬神禮也
 學曰堯舜師天下以仁故曰愛國仁也
 易曰明天理道幽明之故知死生之說明天理者豈不
 智乎故曰明天理智也
 語曰無違曰孝勿欺曰忠無違勿欺者信也既忠孝以
 信貫之是以人道配信也
 孟軻曰未有義而後其君者也不後其君者即奉戴皇
 上也既義而豈亦可不遵守朝旨乎故曰奉戴皇上遵
 守朝旨義也約儒別釋如此亦通而釋之則六句各具
 五常
 初敬神之五義者祭天地宗廟禮也祭忠節之靈魂義
 也祭古塚窮鬼仁也敬神仙佛聖以神明其德智也建

國旗而祭祝日信也敬神一句自具五常矣
 又愛國五義者憐鰥寡孤獨仁也尚有德尊有道義也
 貴者老禮也舉直錯諸枉信也用博學多能謀國益智
 也
 次天理五義者其生万物者仁也禍其惡福其善者義
 也其虧盈而益謙者禮也居高觀卑者智也日月不過
 四時不惑者信也
 次人道五義者父母之親仁也君臣之義義也男女之
 別禮也長幼之序智也朋友之信信也
 次奉戴皇上五義者敬愛其君仁也諫其非義也參朝
 不怠禮也使君為聖者智也百事無二心信也
 次遵守朝旨五義者建貧院病院以救窮民仁也徵兵

備非常義也、堅守制度禮也、設學校教院而磨才養德、智也、明律無敢隱人信也、是所以六句各具五常也、凡諸子百家之書、唯說神道、天理王道人倫君臣之分而已、是亦不出此三條之外、由是亦謂之、則三條中即接諸子百家之書、而脩身、學、竭于比、又何向他求之耶、既知脩身之要、又何謂之、成佛之道、蓋佛經中說成佛之道者、雖多無出檀戒忍進禪惠六度之外、雖釋加彌勒修六度而成佛、五百聲聞亦行六度而後成佛、三世諸佛誰有不修六度而成佛者耶、故六度即成佛大道也、今以六度釋之、三條即六度、而成佛之直路也、將釋其意、亦以通別二段、初別釋者、敬神禪也、愛國檀也、明天理惠也、人道戒也、奉戴皇

上進也、遵守朝旨、忍也、古人曰、虛心則鬼神舍焉、又曰、神主靜心、又曰、寂然不動之心、混沌之元、神明之域、守其元域、曰鎮魂祭神、祭之原也、故曰敬神禪也、慈悲能潤物、其仁及禽獸、曰檀、檀豈不愛國之義乎、故曰愛國檀也、天理在人、謂之性、故見性成佛之謂、即明天理之惠也、經曰、佛住第一義天、即是斯之謂也、故曰明天理惠也、佛之所謂五戒、與儒之所謂五常、同其義、故知戒也者、即人之常道也、戒豈不人道乎、布髮掩泥、剪臂立雪之類、進也、其心移君、則忠、忠豈不奉戴皇上之義乎、故曰奉戴皇上進也、

忍辱仙人為惡王所裁更無怨焉忍豈不遵守朝旨之義乎故曰遵守朝旨忍也
 別釋如此亦通而釋之六句各亦具六度
 初敬神六義者經所謂香華供養檀也持戒清淨戒也
 忍辱善軟之心忍也低頭合掌恭敬禮拜進也念佛誦經禪也聞法信解慧也
 次愛國六義者智者施智富者施財以利天下檀也法律正犯罪戒也為國忍艱難忍也日夜勉強富國家進也教法固結人心禪也學問開智識慧也
 次天理六義者書曰天降災祥行善則休徵報之行惡則咎徵隨之其降祥福於善者檀也其降災厄於惡者戒也諺曰人眾者勝天天定亦能勝人其論勝敗不敢

爭先後者忍也若示其威則疾風迅雨崩大地進也天聽寂無音視明而不言者禪也人之生一念天悉知之慧也

次人道六義者教育子弟以仁愛檀也孝父母者戒也經曰孝名為戒兄弟不生爭忍也君臣之義進也一婦守一夫其節不失者禪也能撰益友而友之惠也
 次奉戴皇上六義者為君投身命檀也事君無叛者戒也與君俱其苦不俱其樂忍也迎斧鉞而敢諫據錮錢而盡言進也心無外馳不敢貳君禪也能救君之謬惠也

又遵守朝旨六義者捨其舊弊檀也守其新律戒也為國冒嶮凌難忍也百折不撓進步開化之域進也維持

國體而不失禪也、真俗二諦、能融會之而說法、以利天下惠也、既以六度釋三條、是則成佛之直路也、又是修身之要也、為政之基也、釋名終、

第二顯體、前論國體、後合教體、夫我邦在上古、則人有天稟、固有之良心、而自順天神之則、故唯以三種神器而治國家、不別立教憲、及中古人智之狡猾也、教之以神、儒佛之三道、而換三器之政、所謂神之正直、比之明鏡、儒之懲亂、臣賊子、比之寶劍、佛之慈悲、潤物、比之玉璽、既以三道換三器、而治國亦尚矣、然及後世、三道異教、亂俗、其弊不鮮、故又

今上皇帝、以聰明叡知之質、君臨文明之世、教道復古、制度維新、乃改先王之法、而撰三條教憲、將一教同俗、而芟除其弊、由是觀之、則

上古則以三器治國、為政教一致、國體、中古則以三道為治、自為政教各別、今也既會三歸、一、是亦復政教一致之古、然則今日、我邦以政教一致、為國體、異歐米各國、所論也、

次合教體、法華曰、若說俗間經書治世語言資生產業、皆順正法、一切世間法、皆是佛法、無不真實、蓋俗間經書治世語言、皆順正法者、說政教一致之旨也、一切世間法、皆是佛法者、顯真俗一如之理也、又天台曰、法華已前、權實不同、大小相隔、至法華會上、融權實會、大小皆令成一乘妙、此經文祖釋、自能合我國體矣、我邦明治已前、教權政實不同、僧俗相隔、至明治政府、廢僧官、稱俗姓、合神佛各宗、為一教職、政教并行、令民心歸一

途也、是其所謂融權實會大小、令成一乘妙者也、由是觀之、國體亦自合妙法、體此體諸佛之所師焉、為眾經王、出乎三教七種之上、超乎四時八教之外、獨得教王之名、抑我邦開闢已來、神胤一系、方古不易、以為獨一王國、護此王國之教法、非王教則不能焉、况於國教同體、政教一致、誰亦此外別求教法乎、故今以法華為所依、既論國體合教體、顯體終、

第三明宗、顯正為旨、初釋對外國之顯正、後出對內國之顯正、初對外國之顯正者、彼侮我而為無教法國、蓋有以也、先王用神儒佛三道、定鼎足之教、以為永世不朽之法、然其書廣博、而人或不學焉、其理深遠、而不敢窺焉、是以教法溢土藏、而空人心中、反為外人所侮、不

亦宜乎、故今探其要、而取三條六句之上、開其理、而顯一乘妙法之旨、以欲使一目能盡其廣博之書、究其深遠之理、使其易于學、不難于持、使國人知有是國教、得以對峙歐米各國也、是其所謂對外國之顯正也、次對內國之顯正者、新興一乘妙宗、破神佛各宗之鄙說、以欲一洗舊弊、改革教法也、抑一乘妙宗者、依法華所謂先佛所說、經求天地公道、以立教法之基礎、所謂一法而能得修身治國安心之正者、即天地公道也、三條六句而通達無量無邊之義者、即先佛經中所說也、是釋迦以前佛法、釋迦已後、末師非所知焉、此教能攝一切教、又能破一切教、所以其攝教、前如說之、所以其破教者、曰儒教說修身治國之道、未說安心道也、故姑措之

不論神道說昇天之道似有安心之道然其道未免三界輪迴不以爲得其正也若依各宗信舊來佛教亦徒求出三界未敢求成佛也是亦終日學佛而終日遠佛而已亦不以爲得其正也故經曰三界猶火宅人當出離又曰寧爲地獄罪人勿爲二乘人故知其昇天與入涅槃俱不佛本懷也故不爲得其正從令爲得其正其說脩身治國政理者不及於儒遠矣是豈爲天地公道乎故今用先佛所說經廢三道之三車而顯一乘之寶車此寶車能載卽身成佛之道載脩身治國之理所謂一法而得修身治國安心之正者是豈不天地公道乎乘此公道而亦一佛再生一新教法以欲利天下故先用爲實施權意以三道而說之次以開權顯實意開

三道而見一乘遂以廢權立實意廢二道而立此一教也是則換名字說法華顯如來出世本懷者也是豈不對內國之顯正乎略明宗終

第四論用所依經曰如是說法者當知此人是行如來事受如來供養以佛莊嚴而自莊嚴與如來共宿此人若坐若立若經行處此中便應起塔一切天人皆應供養又曰若有人以一切樂具施四百万億阿僧祇世界六趣衆生又令得阿羅漢果其所得功德展轉第五十人聞之隨喜功德億万分不及其一何況最初於會中聞之隨喜者其德勝於彼數倍轉身得好上妙樂能說能聽功德尙爾况於如說修行人其功德不可測焉在現世得忠臣孝子名命終則卽往安樂世界阿彌陀佛

大菩薩衆圍繞，住處生蓮華，中寶座上，故知在昔日，則以神道助國政，以儒道成脩身之德，以佛道占安心之地，三道異德，至今日，則一乘妙教，普成一切功德，既入諸佛位，占安心之地，而進則參政，退則修身，一教而得三德者，即其力用也。論用終。

第五判教，神儒兩教者，俗諦而不關真諦，其理失一偏也。佛教中亦有四種別，破俗入真，世間出世各別其法者，藏通二乘之教，是亦失一偏也。先以真破俗，後以俗破真，兼用真俗，中觀所融，世間出世法者，別教也。是亦權大乘而不實大乘，違真俗一如政教一致之旨。初心修中觀於世間出世法，觀無二無別者，圓頓之教也。是實大乘而教中最高第一，由是觀之，此教即純圓獨

妙之教，而與法華無二無別，故曰是先佛經中說也。蓋印度之佛說法華，唯會三乘而歸一乘而已。未會三道而歸一乘，故佛亦隔神儒兩道也。支那之儒亦唯知有一孔孟，而不知有神佛兩道，故為之異端而敵視兩道。皇國之神亦徒尊上古未開唯一神道，而或隔佛與儒，皆各執一偏，而其理未普通，不足以為公法也。故今新佛現我國，而更說妙法，會三道之偏，歸一乘之妙，是萬國普通之教，為天地公法，人當捨其偏頗之說，而取此一公法，以進則為政，以退則修身，未來亦成八相，是則合政教一致之叡慮，契真俗一如之佛意，可謂教中第一也。

（The right side of the page contains a large, dense block of extremely faint and illegible text, likely bleed-through from the reverse side of the paper. The characters are too light to be transcribed accurately.)

明治十四年十月廿二日


定價六錢

岡山縣

編輯兼出版人

權大講義 水谷仁海

備中國淺口郡玉嶋村
三百八十三番屋敷住



7
A

013981-000-6

特17-744

皇教汎論

水谷 仁海/編

M14

ABB-0230



皇教汎論 水谷仁海

題本法華宗初歩

国立国会図書館

特

17